



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Occupatio animae Jesu Christo crvcifixo devotee.**

**Leroy, François**

**Pragae, 1666**

Caput II. Passionem Christi piè recogitatam, ad divini amoris perfectionem  
suum contemplatorem adducere.

[urn:nbn:de:hbz:466:1-47123](#)

diximus, consequentibus capitibus paulò explicatiùs trædenda sunt. Nam cùm non parùm sit periculi, ne contraria persuasio nonnullis imponat incautioribus, eosque prætentâ præstantioris boni specie, à recta via perfectionis abducat; placuit rem omnem operosius discutere, & istam tanquam asceticam prolusionem præmittere; in qua, contrâ quam nonnulli volunt, efficaciter (nî fallor) demonstrabitur; assiduam animi circa Christi vitam ac passionem occupationem, & incipientibus viam spiritus, esse omnino necessariam, & proficientibus studiose retinendam, & perfectis quoque, atque (si ita vis) ad sublimem etiam Dei contemplationem unionemque mysticam evectis, non esse penitus abijciendam.

## C A P V T II.

*Passionem Christi piè recogitatam, ad divini amoris perfectionem suara contemplationem adducere.*

### §. I.

*Passionem Christi piæ meditationi subjectam, cuiusvis sanctæ affectionis materiam præbere.*

Catech. 9. PRimo igitur loco illud generatim ponatur: nullam esse sanctam affectionem animi, nullum quamvis præclaræ & excellentis virtutis exercitium, ad quod contemplantis cor non permoveat, piè recogitata passio Salvatoris. Quemadmodum enim (ut eleganter disputat S. Cyrillus Ierołymitanus) veris tempore una pluvia in terram descendit, & rosam quidem rubram efficit, album lillum, purpureum hyacinthum; & sic pro variâ cujusque plantæ conditione, in varios succos, colores, odorésque vertitur: ita una passio-

nis Christi meditatio, in his qui peccatis obligati adhuc teneuntur, sanctum Dei timorem, horrorem peccati, compunctionem cordis, penitentiae lachrymas; in ijs vero, qui serio ad Deum conversi, in via spiritus jam proficere coepint, contemptum saeculi, deliciarum fugam, severitatis amorem, continentiae, humilitatis, patientiae studium; at in his qui ultra progressi, Deo jam intimius ac familiarius adhaerint, pacem animi, ac gaudium spiritus in quibusvis animi corporis afflictionibus, amorem purum ac fortem, omnimodam sui sub Dei nutus subjectionem, ardens desiderium assimilandi se Christo, ac tandem perfectam in ipsum Christum transformationem parit; atque in singulis pro cuiusque captu ac genio se attemperans, prout cuique opus aut usus est, in varios se colores & formas, in omnigenos inquam effectus affectus convertit.

Hic etenim nominatim valet, quod universè tradit Seneca: *Non est quod mireris, ex eadem materia suis quemque studijs apta colligere. In eodem prato bos herbam querit, canis leporem, ciconia lacertum.* Ita hic quippe in eodem prato, seu magis in eodem monte Calvariae, ille compunctionem cordis aut pias animi condolentis lachrymas, iste in adversis fortitudinem & constantiam, alius sanctum & castum amorem, postremus intimae contemplationis quietem querit & invenit; & quasi ex florum istic subnascentium amoenissima varietate, quisque quod amaverit, carpit; seu potius unum illum florem, IESVM nimirum Nazarenum crucifixum, in usus suos spirituales, quemadmodum quisque animo affectus & comparatus est, variè convertit. Quamobrem præclarè & huic loco consentaneè B. Albertus Magnus, agens de Christo, qui se florem campi dixerit; eundem ait non uno modo florere in campo Ecclesiae, sed rubore in Martyribus, virere in Confessoribus, candescere in Virginibus, pallere in penitentibus, nigrescere in humilibus, rutilare

Ep. 108.

*L. 12. de laud. Mar. cap. 4.*

B 2

tilare in Doctoribus, &c. Quasi flos ille de crucis stipite in Calvariæ colle progerminans, in se uno florum universorum varietatem præferat; idem rosa, idem lily, idem viola, caltha, hyacinthus; quemlibet nimurum ad nostra commoda tanquam colorem, ac vultum aut speciem induens, eamque cuiusvis indoli, ingenio, sensibus accommodatam.

Unde etiam *S. Bonaventura* disertè negat, ullum hominem, in quoconque gradu aut statu sit, posse se à confide-

*P. 1. 8. t. m.*  
*c. 15.*

randa Christi passione excusare: *quia nullus est* (inquit) *qui non inveniat in hac arbore* (id est, in palma crucis, de qua loquebatur) *suavissimum fructum & sufficiens nutrimentum.* Quod deinde demonstrat, discurrens per quinque diversos status hominum: *Si peccator es* (inquietus) *considera illam, ad peccatum detestandum.* *Si pœnitens, ad exemplum pœnitentie.* *Si proficiens, ad ejus effectus rimandum & ruminandum.* *Si perfectus, ad totum te in illam transformandum.* *Si in justitia consummatus, ad Dei dilectionem & dignationem erga nos admirandum.* Tum graviter denique concludit: *Nullus ergo se excusat, qui hic inveniat pabulum suum; quin hic inveniat portum, domicilium & centrum suum.*

*Med. de paf-  
fion. c. 1.*

Quibus cónstante Fulyius Androtius noster: *Passio-  
ant crux Christi* (inquit) *est arbor vite in medio Paradisi san-  
ctæ Ecclesiæ; in qua alij sunt rami sublimes & in colum eretti,* alij humum versus depresso: atque sublimes ait esse pro mentibus excelsis, qua sublimiore divinarum perfectionum contemplatione pascuntur; humiliores autem ijs inservire, qui etiamnum in spiritu parvi sunt, & solâ passionis Christi memoriâ, aut turpitudinis peccatorum suorum meditatione tenentur. Quasi arbor crucis similis sit illi, quam olim vidit Nabuchodonosor, de cuius fructibus non solum pascebantur bestiæ terræ, sed & volucres cœli (id est mentes sublimes, & coelestium contemplationi assuetæ) conversabantur in ramis ejus.

Quapro-

*Dass. 4.*

Quapropter dubitandum non est, tum aliorum piorum sensuum, tum sublimis etiam contemplationis & sancti amoris copiosam materiam in Christi passione reperiri; prout nunc jam a nobis accuratis demonstrandum est.

## §. 2.

Hanc ipsam circa Christum passum exercitationem, ad inflammandum cor amore Dei, vim praecipuam habere.

**C**ave enim putas, cum summa Christianæ virritis in proprio Dei amore posita sit, hujus tibi causas ac rationes, in hoc tam præstanti arguento defore. *Ubi enim, quæsō, p. 1. sim.*  
 (ut S. Benaventura loquitur) magis appetit diffusio bonitatis *c. 4.*  
 divine, & clementie dulcissimi & amantissimi Dei & Domini nostri Iesu Christi, quam in passione sua? Ubi magis sapit amanti supereminens dulcedo divini cordis? Aut quæ uspiā potentior amoris illecebra, (quam diu quidem in isto corpore peregrinamus a Domino) quam in illo divinæ charitatis incomprehensibili prodigo, in verbo Dei non tantum abreviato, sed etiam exinanito & exhausto propter nos; in Deo depresso & humiliato usque ad formam vermis, & mortem crucis; in illa demum fornace amoris & charitatis, in corde inquam Iesu Christi, amore nostri, vulnerati & crucifixi.

Hinc sumas licet amori tuo pabula; hinc sanctæ ebrietatis & internæ suavitatis materiam; hic (si quando te sopor divinæ contemplationis occupaverit) locum inveni spiritualis quietis. Neque enim, post ipsum divinitatis sumum, intra quem quiete imperturbabili perfruuntur beatæ mentes, invenies lectulum suaviorem, in quo dormiens si leat, & somno suo requiescat contemplatrix anima, quam apertum latus & vulneratum cor Salvatoris: quod etiam eam

eam ob rem (uti pluribus infrà videbimus) à B. Petro de Alcantara, congruenti phrasí, *Sepultura peregrinorum*, est appellatum. Quod item confirmat Seraphicus Doctor Bonaventura, dum de hac ipsa abstractione mentis, & spiritus elevatione agens, in hunc modum loquitur: *Iam (scilicet*

*P. 1. Serm.* *egregius patientis Christi contemplator) solus cum solo con-*

*versatur:* & circa divinos honores, circa eternas divinitias, cir-

*ca immensas Dei delicias negotiatur, in praedicta passione, ani-*  
*ma delicata: ibi habitat, ibi requiescit, in Domino suo dulco-*  
*ratur cor; liquefit poctus; mens supra se elevatur; inebrιatur*

*P. 1. Serm.*

*Cap. 12.*

*anima spiritualibus delicijs, & in eis se pelitur. Sie ille. Qui*  
*proinde alibi, rem istam ex suo sensu, & velut proprio expe-*  
*riimento definiens: Nibil scio (ait) in hoc mundo, quod tan-*  
*tum ad cœlestia contemplanda elevet, tantum ad Deum sapien-*  
*dum illuminet, sicut passio Iesu Christi. Audiatur & hic [ o-*  
*misis alijs qui in decursu referentur] mellifluus Bernardus,*

*Serm. 20.*

*in Canticis*

*dum ita loquitur in rem nostram: Super omnia, inquam, redi-*  
*dit amabilem te mihi, bone Iesu, calix quem bibisti, opus redem-*  
*ptionis nostræ. Hoc omnino amorem nostrum facile vendicat*

*totum sibi. Hoc, inquam, est, quod nostram devotionem &*  
*blandius allicit, & justius exigit, & arctius stringit, & afficit*  
*vehementius. Vides etiam ex Bernardi sensu, Christum Ie-*  
*svm in passione sua super omnia reddi amabilem; atque*  
*hanc proinde, contemplantis mentem præreliquis omnibus*  
*ad divinum amorem inflammare?*

*P. 1. c. 13.*

*Et quam aliam ob causam, amabo, sanctissimo Patri*  
*Francisco in illo viso mirabili, quo vulnerum Christi sacra*  
*stigmata ipsius carni impressa sunt, Seraphini species, simul*  
*crucifixia, simul ignita apparuit; nisi ut intelligeretur, Ie-*  
*svm crucifixum fontem esse divinæ charitatis, indéque ar-*  
*dores Seraphicos, inde flamas atque incendia, quibus*  
*mens in Deum colliquescat, esse petenda?*

*Hoc ipsum denique divinitus S. Mechtildi monstratum*

*est.*

eft. Quæ feriâ 5. majoris hebdomadæ, sub initium Missæ,  
ad illa verba: *Nos autem gloriari oportet in cruce Domini no-* L. 1. præt.  
*stris Iesu Christi;* visa est sibi videre in medio Ecclesiæ arbo- *spiritus, c. 22.*  
rem proceram & excelsam, quæ Domini crucem ac passionem  
repræsentaret; ex cuius ramis, quasi totidem ardentes  
lampades, religata pendebant; corda Christum amantium;  
quarum etiam lampadum flamma oleoso succo alebatur ex  
eadem arbore promanante. Quo quidem viso significari  
intellexit: Christi passionem optimam esse sancti amoris  
materiam, nec esse quicquam quod humanum cor magis  
vulneret & inflammet amore, quam diligentem atque inti-  
mam Christi pro nobis passi & crucifixi contemplationem.

Non igitur cum te ad frequentem, imò assiduam pa-  
sionis Christi commentationem invito, perpetuò hærcere te  
velim in luctu & squalore pœnitentia, non assiduo mœrore  
confici in recogitatione præteriorum annorum tuorum;  
neque rursum semper ad pedem crucis pectus tundere, &  
planctu amaro lugere mortem Unigeniti. Sint ista, si pla-  
cer, eorum qui recens ad Deum conversi sunt, aut etiam ru-  
diorum exercitia. Sed ut hinc habeas quorumvis sancto-  
rum affectuum materiam, robustæ virtutis magisteria, &  
quamlibet sublimis contemplationis argumenta. Omitto  
[ quando res & tempus ita postulat ] timores & dolores an-  
xios, vaca sancti amoris dulcedini, gaude & exulta in Deo  
Iesu tuo. Et quoniam, ut suprà ajebas cum S. Bernardo,  
illa erga Christi carnem affectio, quâ quis repræsentatâ sibi  
patientis Salvatoris imagine, facile compungitur animo,  
& sensibilis istius devotionis suavitate pascitur; quodam-  
modo carnalis amor est; Sapiat tibi jam in carne Christi,  
Dei bonitas; sapientia, justitia, & reliqua divina perfe-  
ctiones; quarum in Christi passione, si uspiam, expressa  
eluent argumenta. Nam neque ei Verbum ut Caro sapit,  
opinor, qui solidarum virtutum [ quas in Christi vita ac  
morte

Serm. 43<sup>o</sup>  
in Cant.

morte habet ad imitandum propositas ] ardentis studio tene-  
tur, & quasi gustu atque sapore delectatur: aut ipse Bernar-  
dus adhuc carnaliter, & non spiritualiter amabat, cum in  
aliо sermone diceret; se semper in corde ac memoria reti-  
nere anxietates & amaritudines Domini sui, & in his sibi  
constituisse justitiae perfectionem, plenitudinem scien-  
tiae, &c. Qui etiam ut admonet nos, se istic & quandam  
sancta contemplationis quietem, & divini amoris refectio-  
nen invenire: Non requiro, subiungit, sicut sponsa, ubi cu-  
bet in meridie, quem letus amplectior mea inter ubera commo-  
rantem: non requiro ubi pascat in meridie, quem intueor Sal-  
vatorem in cruce. Quam rem etiam pluribus, ex ipso Ber-  
nardo aliisque patribus demonstrabimus parte tertia; ubi  
proponemus interiorum animae circa Crucifixum; per actus  
virtutum Theologicarum, occupationem.

### ¶. 3.

*Amorem Dei solidum ac fortē, ex Christi patientiis  
exemplis petendū & defūmendū ēſe.*

**V**erum illud hoc loco adjungendum est: cum suprema  
virtutis absolutio, aut perfectio hominis Christiani,  
non in quocunque Dei amore, sed in charitate sincera ac  
forti atque robusta consistat; hanc non posse melius, cer-  
tius, securius acquiri, quam assidua circa Christum passum  
occupatione & exercitatione.

Sunt enim fortasse non pauci, qui amoris divini no-  
men usque crepent ac ore commendent, qui re ipsa vim puri  
amoris & ipsam quasi energiam, aut in quo illius perfec-  
tio sita sit, nesciant. Genuinus ille sincerus ac purus Dei  
amor (& quod hinc consequens est, apex ac consummatio  
spiritualis vita) non in aliqua intimorum affectuum teneri-  
tudi-

tudine situs est, non in divinis solatijs aut dulcedine spirituali, non etiam in pijs lacrymis, quæ potius tironum in via spiritus sunt illecebræ; sed neque (quod fortè mireris) in rædio rerum præsentis sæculi, in desiderio divinæ visiōnis atque complexūs, non in assidua præsentis Dei memoria, non in orandi assiduitate, non denique in ipsa quiete divinæ contemplationis. His quippe omnibus, si solitariè & seorsum ab ijs, quæ mox dicturus sum, spectentur; admisceri potest quædam impuritas, privatus amor, & aliqua [quod ajunt] sui ipsius exquisitio.

In quo igitur (inquieris) illa perfectio, illa summitas & quasi apex sancti amoris consistit? In hoc, ut pro Dei creatoris ac redemptoris tui amore ac reverentia, perfectè temetipsum abneges in omnibus, ut te ipsum teipso expropries, ut nullâ re prorsus, etiam sanctâ ac spirituali, sensum tuum aut gustum exquiras, sed nudum ac purum Dei beneplacitum in omnibus, sive prospera sint sive adversa, sive amara sive dulcia, unicè & æqualiter attendas. Sive, [uti loquitur libellus de imitatione Christi] in offerendo te ex toL. 3. c. 29. to corde tuo voluntati divinæ, non querendo que tua sunt, nec in parvo nec in magno, nec in tempore, nec in aeternitate: ita ut unâ æquali facie, in gratiarum actione permaneas, inter prospera & contraria, omnia æquâ lance pensando.

Ille verè ac purè Deum amat, qui, solo ipsius divinæ gloria studio, ei servire vult omnino gratis, & absque ullius, sive temporalis, sive etiam aeterni solatiij stipendio; qui eligit potius pro illo pati, quam vel beatis frui coeli gaudijs, itaque animo comparatus est, ut (si ita ferret Dei voluntas) libenter sufferret etiam aeternos cruciatus; quod ejus divinum beneplacitum majorēmque gloriam, cuicunque suo bono anteferat, etiam aeternæ suæ felicitati, denique, ut verbis alijs, rem tamen eandem explicem, is purè, sincerè, atque robustè Deum amat, qui non tantum fert patienter,

C

sed

sed etiam hilariter tollit crux suam, neque illam duntat exteriorem, paupertatem, morbos, vexationes, dolores, damna, injurias, contumelias; verum etiam interiorem, hoc est animi desolationem, ariditatem spiritus, mentis tenebras, cordis duritiam, derelictionem spiritualem, & alia interna cruciamenta, quibus solet Deus fideles suos & fortis amicos probare atque exercere; qui amat affligi, derelinqui, contemni, atque etiam ut lutum conculcari; qui nudus omnino, omnino nudum Iesum sequitur ad montem Calvariæ, & ad mortem, mortem autem crucis; qui eadem cum illo sentiens, eademque cum illo amans, eademque desiderans, sibi mortuus in illo solo vivit, in eandem ejus imaginem perfectè transformatus.

*Quod si vis perfecti amoris in hac absoluta suimet abnegatione & plena humanæ voluntatis in divinum beneplacitum transfusione sita est: ubi, quæso, horum speculum illustrius invenias, quam in passione ac morte Christi? aut in qua Schola citius aut securius condicas prima ista ac summa Christianæ virtutis ac perfectionis principia, quam in monte Calvariæ, Crucifixo de crucis cathedra divinam illam Philosophiam clarissimè docente, & non tam verbo quam exemplo illustrissimo, ad eam nos quasi manuducentes?*

*Hanc enim sapientiam ( inquit Thaulerus ) non in Parisiorum Gymnasio, sed in Christi passione discimus. Ex hoc nimirum exemplari re & facto ipso discere debes, in quo posita sit puri ac fortis amoris absolutio; & intrando in corboni Iesu, in profunda quadam solitudine & amaritudine summa à Deo Patre derelicti, ad hujus sanctuarij pondus, amoris tui vim ac perfectionem aestimare.*

*Sanè vera perfectio ( inquit modò dicta confirmans magister spir. gnuis spiritualis vita Magister Ludovicus Blosius ) non in perceptione magnæ dulcedinis, neque in consolationum affluentia consistit: sed in hoc sita est, ut quis se & omnia pro Dei amore relin-*

relinquat, se verè abneget atque mortificet, & voluntate propria in voluntatem Dei integrè transfusā, liber tranquillusq; in omnibus quæ sibi eveniunt, permaneat ac Deo adhæreat, unus spiritus cum Deo effectus. Dixerat autem superius ad hanc integrum hominis abnegationem requiri; ut, neque in tempore, neque in eternitate aliquid suum querat; sed omni proprietate rejectā, se prorsus seipso spoliet privatque, & sibi rebusque omnibus ita moriatur, ac si nunquam creatus fuisset.

Ibid. cap. 2.  
Juvat denique audire hoc loco summum mysticæ unionis patronum Joannem Thaulerum, eā super re sic differentem: Quamvis excellentissimum utilissimumque exercitium, quod quidem in hac vita mortali habere quis possit, sit intrinse- Ep. 9.  
cus in spiritu unitate cum Deo quiescere & operari: huic tam non oportet. Etenim aliud adhuc longè excellētius utiliusque exercitium est, in quo nimur à Deo proba- mur & exercemur: & hoc est resignatio in perpetuo continuo  
que languore, in sterilitate, obscuritate, & paupertate spiritū.  
Sic ille.

Ad hunc arduum atque sublimem Christianæ virtutis & perfectionis verticem, qui se evasisse meritò sibi persuaserit; is jam, per me licet, laboriosum istud circa Christi carnem, ejusque sanctissimas actiones ac passiones, studium atque exercitationem omittat, omnem etiam, si placet, ex animo suo (quanquam neque ista in sequentibus concessurus sum) non tantum rerum ceterarum sensibilium, sed etiam ipsius sacratissimæ Christi Humanitatis expungat, imaginem, perfruatur quodam sancto otio, & in solis divinitatis mysterijs, atque intima & sine medio ejus contemplatione occupetur. Qui verò (quod Sancti, etiam summi quique, feceré) etiamnum se in imperfectis numerat, qui in se invenit, atque agnoscit, non pauca quæ corrigat, quæ mortificet aut resecet, quæ conformet aut expoliat; is neque oculos de summo illo exemplari, neque manum tollat

tabula, aut (quod huic loco magis convenit) à ferro seu scalpro abstineat; sed attentā Christi crucifixi contemplatione, ad ejus foemam & imaginem sese componat perficiatque: ne si fortè nondum satis instructus virtutibus, aut in perfectæ abnegationis studio minus exercitatus, ad altiora aspiraverit, multis ac gravibus in via spiritus obnoxius sit periculis. quam rem (uti momenti permagni est in proposito) proximo capite aliquanto impensius pertractabimus.

### C A P U T III.

Rem esse periculi plenissimam, præproperè  
omisso Christum crucifixum imitandi studio,  
sublimiores & insolitas divinæ con-  
templationis vias affectare.

**E**Quidem hac in re triplex potissimum, & undequaq; gra-  
ve, periculum deprehendo: primum, ab occulta super-  
bia; alterum, ab amore proprio spirituali; postremum,  
à solidarum virtutum inopia atque vacuitate: de quorum,  
singulis ordine suo differendum est.

#### §. I.

*Eos qui prefestinè altiora illa affectant, ad id plerumque oc-  
cultâ superbiâ duci.*

**P**Rimum igitur hoc loco satisque obvium periculum esse  
potest ab occulta superbia; dum quis aliquantum pro-  
gressus in via spiritus, & à noxiis consuetis se abstinenſ, for-  
tassis etiam (ut fieri amat sub initia) nonnullis divinis ille-  
cebris, solariisque celestibus laetatus, eò confestim ad abs-  
trusiores & paucis cognitas contemplandi vias aspirat, quòd  
perfustum se jam existimet, dignumque quem Deus magis  
inti-